

CURAE CRITICAE IN C. VALERII FLACCI ARGONAUTICA.
PARTICULA I.

DISSERTATIO
INAUGURALIS PHILOLOGICA

QUAM SCRIPSIT

ET

AMPLISSIMI PHILOSOPHORUM ORDINIS

CONSENSU ET AUCTORITATE

IN

ALMA LITERARUM UNIVERSITATE VIADRINA

AD

SUMMOS IN PHILOSOPHIA HONORES

RITE CAPESSENDOS

DIE XIX. MENSIS MARTII A. MDCCCLXX HORA XI

PUBLICICE DEFENDET

BRUNO HIRSCHWAELDER

SILESIUS.

ADVERSARIJ ERUNT:

A. NIEDENFUEHR, DR. PHIL. J. STANGE, CAND. PHIL.

J. WIEDEMANN, STUD. PHIL.

VRATISLAVIAE.
TYPIS F. W. JUNGFERI.

MARTINO HERTZIO

*** SACRUM.**

PRAEFATIO.

Quum abhinc duos fere annos in eligenda aliqua materia diu multumque fluctuassem et haesitassem, unde opusculum viribus meis accommodatum conscriberem, perlustranti epicorum Romanorum opera, in quibus legendis animo lubentissimo summaque semper voluptate ac delectatione eram versatus, in manus mihi venit elegans ille et lepidus expeditionis Colchicae enarrator atque Apollonii Rhodii aemulator melioris notae, *C. Valerius Flaccus*. Quem ubi immerito prae aliis poetis egregie neglectum jacere ideoque pessimis corruptelis et vitiis inquinatum esse atque oppletum cognovi, adeo ut permulta adhuc residua sint, in quibus criticam aliquis industriam collocet¹⁾, vocem illam J. Bakii recordatus, qui neminem vel mediocri ingenio praeditum ea, quae alii ante invenerint, suo quodam invento quantumvis exiguo non posse augere atque perficere praedicat²⁾, operam navare Valerio constitui, qua fortasse aliquando ad emendanda et enucleanda Argonautica, quod acerbum poema, ut J. C. Scaligeri verbo

¹⁾ Phil. Wagner in Philologi tom. XX a. 1863 pag. 616. »Es ist eine auffallende Erscheinung, dass die deutsche Philologie sich mit einem so bedeutenden Dichter, wie Valerius Flaccus ist, verhältnismässig so wenig befasst hat« e. q. s. Adde Jahrbücher für classische Philologie her. von A. Fleckeisen tom. X 1864 pag. 382 et 406 sqq. Cfr. G. Thilonis Prolegg. ampla doctrinaeque plena quae editioni suae prae-misit, pag. XCVIII.

²⁾ Oratio de humanitatis laude in veterum literarum studio spectanda, habita in academia Leidensi et edita separatim Lugduni Batavorum a. 1829.

utar, nobis ille reliquit, quantum quidem in me est, conferre possem. Sed quum non sine aliquo pavore audax paene hoc consilium sim aggressus, qualicunque huic scriptiunculae bonam veniam peto atque exoro. Propositum igitur mihi est, prima hac particula de locis nonnullis agere e libris primo secundo tertio petitis, qui praeter alios ad vires meas factitanda arte critica exercendas videbantur idonei esse. Ac si cui unum alterumve eorum non dico persanasse, sed non stulte restituisse videbor, permagnum sane gaudium ac satis largos fructus ex hac opella percepturum me confido.

Initium facio a *libr. I.* vers. 63, qui criticorum ingenia miris modis exercuit multisque conjecturis jam locum dedit.

.... tantoque silet (sc. Pelias) possessa dracone
vellera, multifidas regis quem filia linguas
vibrantem ex adytis cantu dapibusque vocabat
et dabat *externo* liventia mella veneno.

Sic legitur in codicibus, quum editiones Bononiensis et Aldina e conjectura praebeant *hesterno*, quam probant Zinzerlingius, Bulaeus, Nic. Heinsius¹⁾, Burmannus, recentiorum, quod equidem sciam, Ladewigius²⁾ et Ph. Wagner³⁾. Novis-

¹⁾ Nam quod olim *alternio* legi jusserat, ipse postea suo jure rejecit.

²⁾ Ad Verg. Aen. libr. IV vers. 486. »Es wird die Nahrung angegeben, welche die Priesterin dem Drachen reicht. Mit ähnlichem Honigkuchen füttert die Medea den Drachen, der das goldene Vliess bewachte; denn bei Valer. Fl. VIII 95—97 sagt sie zu dem Drachen, den sie eben durch ihre Zauberkünste in tiefen Schlaf versetzt hat: Non ego te sera talem sub nocte videbam, Sacra ferens epulasque tibi, nec talis hianti *Mella* dabam ac *nostris* nutribam fida venenis. Durch den einschläfernden Mohn will die Priesterin die Wuth des wilden Drachen etwas mildern und ihn veranlassen, seine Wuth nicht an befreundeten Personen auszulassen. Zu demselben Zwecke bedient sich Medea bei Val. Fl. I 63 *abgestandenen* Giftes: Et dabat *hesterno* liventia mella veneno.«

³⁾ Philol. p. 618 »hesterno bedeutet recenti, igitur valido, wozu im Geiste des Dichters vielleicht noch der Gedanke hinzutrat ad hesternam lunam collecto.« Eandem jam ante amplexus erat interpretandi

simus Argonauticon editor Thilo uncis quidem versum inclusit, sed quam maxime se dubitare ipse postea¹⁾ fatetur, num recte versum spurium atque ex libr. VIII vers. 97 effectum judicaverit. Scripturam *externo* non posse tolerari virorum doctorum unus omnium ferme consensus est; namque ut ridiculam Baptistae Pii interpretationem²⁾ vix dignam, quae refutetur, omittam, apte mihi videtur Heinsius ita disputasse: »In scriptis tamen omnibus *externo veneno*. perperam. nec dubitasse Carrion debebat. Nam cum ex Caucaso suo omnium praestantissimum venenum aconiton Medea posset depromere, quid opus illi erat ad venena externa confugere³⁾. Quam argumentationem viri doctissimi, cujus singularis in hoc genere literarum est auctoritas, frustra infringere tentavit Jon. Aug. Weichertus⁴⁾, qui cum Delamallo *externo* in textum revocandum esse censet. Subtilius enim quam verius causam ab Heinsio allatam, quum Romanum poetam manibus versemus, negat ullius esse evidētia. Jam quaeritur, num probare queamus Italorum commentum, qui *hesterno* i. e. pridie infuso conjicientes versum in integrum restituisse sibi visi sunt. Jure meo quidem arbitrato infelicem emendationem esse dicit Eyssenhardtus⁵⁾ hisce verbis: »Quamvis bene, inquit, cenae relliquiae et id genus alia hesterna dici possunt, manifestum est notionem illam hesterni cum rei ipsius natura congruere et in ea jam, ut ita dicam, praeformatam esse« e. q. s. Sed

rationem J. Aug. Wagner Commentar. perp. in C. Val. Fl. Arg. libr. VIII Gottingae 1805 pag. 13. »hesterno veneno pascebat livente, quod, quum pridie paratum esset, ex intrito veneno livorem contraxerat sucosque pestiferos penitus inbiberat.« Vides igitur, quantopere inter se de explicando hoc adjectivo dissentiant viri docti, quum hi validum, languidum ille venenum poetam significasse contendunt.

¹⁾ Prolegg. pag. LIV.

²⁾ *externo* i. e. peregrino ab humanitate (sc. draconi).

³⁾ Adde, quod aperte ipsa libr. VIII vers. 97 dicit: ac *nostris* nuntiam fida venenis.

⁴⁾ Observationes criticae in C. Val. Fl. Arg. in actis seminarii regii et societatis philologicae Lipsiensis cur. Chr. Dan. Beckio Vol. II. part. II pag. 329.

⁵⁾ Emendationes Valerianae. Mus. Rhen. tom. XVII pag. 379 sqq.

ipse *interno* proponens i. e. »livebant mella veneno, quod in se habebant,« non minus infelicitè in refingendo hoc versu Thiloni, Ph. Wagnero mihi quæ videtur versatus esse. Ac ne Thilonis quidem suspicio, qui *insperso* a manu poetæ profectum putat, placet. Equidem non nimia mutatione scribere malim

et dabat *experto* liventia mella veneno

i. e. mella veneno liventia, cujus vigorem sæpe jam senserat draco, vel quod bonum ac strenuum esse jam pridem Medea draconi coenam illam porrigens cognitum habebat. Cfr. Cicer. or. pro Cael. XXIV: »Ipsius autem veneni quæ ratio fingitur? ubi quaesitum est? quem ad modum paratum? quo pacto? cui, quo in loco traditum? habuisse ajunt domi vimque ejus esse *expertum* in servo quodam ad eam rem ipsam parato: cujus perceleri interitu esse ab hoc *comprobatum* venenum.«

E Verg. Aen. libr. IV v. 483 sqq.

Hinc mihi Massylæ gentis monstrata sacerdos,

Hesperidum templi custos, *epulasque draconi*

quæ dabat et sacros servabat in arbore ramos

spargens humida mella soporiferumque papaver,

luculenter opinor apparet injuria vers. 63 interpolatori tribuere voluisse Thilonem¹⁾, quoniam manifesta adest Vergilii imitatio, cujus vestigiis tam sæpe inhaeret Valerius. Insuper jam nostro loco optime Medeam monstri domitricem pluribus commemorari censeo, quippe quæ tantas in recipiendo vellere partes mox sit actura. Atque ea potissimum res, quod draconem pascere solet Acetæ filia, omnium gravissima est, quæ postea item pabulum præbens ut simul plane eum consopiat, ei contingit. Accedit quod alium quoque versum simili modo orditur poeta libr. III v. 11

primas conjunx Percosia vestes

quas dabat et picto Clite variaverat auro.

Eandem autem structuram solutiorem ac liberiolem, quæ hic usus est — quem vocabat et [cui] dabat — pariter adhibitam

¹⁾ Hoc Ph. Wagneri quoque judicium est. Jahrb. f. cl. Ph. pag. 404. »Der Vers rundet das Ganze passend ab.«

invenimus libr. VIII v. 96 sq. quos supra attuli. cfr. praeterea I 101

primae seu quos in flore juventae
tentamenta tenent necdum data copia rerum.

Libr. I vers. 271.

Omnibus inde *magis* calor additus; ire per altum
magna mente volunt.

Sic scriptum in codice Carrionis erat, qui temporum iniquitate absumptus viris doctis ansam dedit gravis controversiae.

Diversissima enim de eo tulere judicia. Caspar Barthius, Weichertus, Thilo, Ph. Wagner¹⁾ negant ullius eum esse pretii, Heinsius vero et Eyssenhardtus²⁾ optimum ac veterrimum eum habent plurimique aestimant. Suo jure nuper accurata et diligenti instituta quaestione hujus codicis patrocinium suscepit Meynckius exemplisque demonstravit Belgici libri auxilium ad manum poetae restituendam haud quaquam esse aspernandum, immo non raro sinceram eum exhibere lectionem, quum alii codices labem traxerint scripturamque praebeant ab illo plane discrepantem, cujus rei exempla inveniuntur permulta, velut, ut unum in medium proferam, I 130

hic insperatos Tyrrheni tergo piscis

Peleos in thalamos vehitur Thetis; aequora delphin
corripit; illa sedet dejecta in lumina palla

nec Jove majorem nasci suspirat Achillem,

ubi codex Carrionis cum codice Vaticano 1613 conspirans habet *insperato*, unde facili conjectura Gronovius elicuit *insperatos*; contra Vaticani 3277 memoria codicis summae auctoritatis prorsus obscura est. Item vers. 132 unus codex Carrionis veram servasse videtur lectionem: corripit; *illa sedet*³⁾ etc. cfr. VIII 204

atque ibi dejecta *residens in lumina palla*

¹⁾ Jahrb. f. cl. Ph. pag. 398.

²⁾ Mus. Rh. pag. 378 et 384. cfr. literar. Centralblatt für Deutschland her. von Fr. Zarncke 1864 pag. 520.

³⁾ Miror equidem, quod Weichertum (epistola critica de C. Val. Fl.

flebat adhuc. — Sic loco illo, unde exorsi sumus, codicis Carrionis vestigia premens conjicio: Omnibus inde *maris calor* additus, ita ut sequentibus verbis: »ire per *altum magna mente* volunt« eadem sententia gravius et significantius repetatur. Similia haud raro apud Valerium legimus, quoniam poeta est verbosissimus ac justo nonnunquam loquacior. Exempla vide apud Meyneckium pag. 37 ad II 70. Rem conficit I 37

ira maris vastique placent discrimina ponti.

Adde praeterea V 565 et 566

qualis ab Oceano nitidum chorus aethera vestit,

qualibus adsurgens nox aurea cingitur astris.

Viae, quod est in ceteris codicibus, glossam duco, quae

Argonauticis ad H. C. A. Eichstädt scripta Lipsiae 1812 pag. 16 sq.) versus illi Iliadis XVIII 432 sq.

ἐκ μὲν μ' ἀλλάων ἀλίων ἀνδρὶ δάμασσαν,
Αἰακίδῃ Πηλεΐ, καὶ ἔπλην ἀνέρος εὐνήν
πολλὰ μάλ' οὐκ ἐθέλουσα

quos ad comprobandum verbum *silet*, quod est pro *sedet* in editionibus Bononiensi et Aldina, ad vers. 132 commemorat, non eo potius adduxerunt, ut ipse quoque Gronowio adstipularetur, quamquam *vagum* — scribit enim B. Pium secutus hic *spectata vago* e. q. s. — insigne tergoris delphini vereque poeticum epitheton esse fateor. At fortasse *vago* a doctiore et politiore librario ad explendam lacunam, quae lectione *spectata* vel *sperata* omissa syllaba *in* effecta erat, pariter ac participium *sedens*, quod in editionibus Bonon. et Ald. legitur, additum est. — Ceterum illum Weichertii libellum non novisse videtur Thilo, quamvis non sine fructu legatur. Velut eximiam me iudice conjecturam protulit ad libr. I vers. 148

adelinisque tapetis

in mediis vacuo condit caput Hippiasus auro,

ubi pro *in mediis* proponit *immanis*, epitheton Centauro perquam idoneum. Optimus inde membrorum ut ita dicam parallelismus existit, quum Clanis et Nessus sine epithetis positi a Monycho et Hippaso, quorum uterque suo ornatus est adjective, includantur. *Immanis* primo loco positum (cfr. v. 208) admodum efficax est ipsaque adjectivi modulatione ingens Centauri corpus et fera saevitas quodammodo significatur pictaque tanquam imago ante oculos nobis ponitur. Infelicem Eyssenhartii ad h. l. conjecturam

in medio fatuum condit caput Hippiasus antro,

qua non minimam partem pulchritudinis de hac imaguncula detraxit, aptis argumentis refutavit Ph. Wagner Philol. p. 618 sq.

ad supplendam notionem caloris superscripta *magis* particulam sede summovit. Imitatus esse videtur Valerius Vergilium Aen. II 355

Sic animis juvenum furor additus,
unde Peerlkampius suam emendationem:

Omnibus inde *animis* calor additus
hausit ingeniosam quidem, sed audaciorem, quam quae recipiatur¹⁾. — I 355. In enumerandis Argonautis pergit poeta
celer Asterion, quem matre cadentem
Piresius gemino lavit pater amne Cometes,
segnior Apidani vires ubi sentit Enipeus.

Hoc enuntiatum suo verbo carere neminem offendit nisi Burmannum, qui *sedet* legi proponit, quod literarum ductu a vulgata longius discedit itaque facile ferri nequit. Quum igitur totum hunc locum identidem perlegissem ac subsequentia potissimum verba inter se comparassem, quibus quid egerit unusquisque heroum, indicatur — qualia sunt niti (remis eniti IV 680), remo terga urgere, tortas in undas consurgere, frangere aequor — in eam incidi opinionem, ut Valerium scripsisse pro explorato paene haberem:

calet Asterion i. e. sudat remis strenue ducendis, qui significatus maxime ad verba illa quadrare mihi videtur. Aequae v. 442 heu *celerem* Scythica te maesta relinquet harena hoc adjectivum spurium esse elucet, qua de re Thilonis adnotationem vide ejusdemque emendationem egregiam.

I 399.

insequeris casusque tuos expressa, Phalere,
arma geris; *vacua* nam lapsus ab arbore parvum
ter quater ardenti tergo circumvenit anguis:
stat procul intendens dubium pater anxius arcum.

Adjectivum *vacua* Bapt. Pius προληπτικῶς usurpasse Valerium sibi persuasit explicatque evacuatam ex descensu ser-

¹⁾ Thilo Prolegg. pag. LXXVIII. Contra Ph. Wagner Jahrb. f. cl. Phil. pag. 405 lectiones nec *viae* nec *magis* tolerari posse arbitratus judicat aut *viris* corrigendum aut probandum esse Peerlkampii illud inventum.

pentis arborem esse, cum prius immensi tortuosissimique draconis nodis implicaretur. Heinsius cur arbore *vacua* poeta dixerit, non perspicit; »ni fallor, inquit, scripserat *patula*. Sic *patula* fagus apud Maronem initio Bucolicon. Naso Metamorphoseon primo¹⁾)

et quae deciderant *patula* Jovis arbore glandes.

Silius Italicus libro X²⁾)

par juxta querum longum molita per aevum
vertice canenti proferre sub astra cacumen,
diffusas patulo laxabat stipite frondes.

A. Gellius Noct. Att. libr. XV cap. 16 de Milone Crotoniata: Quercum vidit proxime viam patulis in parte media ramis hiantem.«

Ingeniosam hanc emendationem in textum Thilo recepit. Foedum ac turpe mendum commisit Aug. Wagner³⁾) *cava* legendum esse ratus. Equidem quamvis Heinsianam conjecturam haud parvi existimem, tamen genuinam lectionem hanc esse censeo:

vidua nam lapsus ab arbore e. q. s. quae posteaquam glossator aliquis *vacua* adscripsit, e sua sede perperam est ejecta⁴⁾). Rami igitur arboris non vestiti ac circumventi erant palmitibus et pampinis, ita ut inter sese quasi juncti essent

¹⁾ vers. 106.

²⁾ Hoc loco erravit vir doctus; sunt enim libri V vers. 485—487.

³⁾ Comm. perp. pag. 32. — Idem vocabulum libr. III versui 6

... quem *sua* noto

colle per angustae Lesbos freta suggerit Helles

inferre voluit Thilo, quem offendit vox *sua*. Ipse olim conjeceram

sed quem *insula* e. q. s.

(cfr. VIII 217. Lucan. II 617), verum rectissime vidit Ph. Wagner Jahrb. f. cl. Phil. pag. 402 *sua* referendum esse ad Bacchum deum, cui sacra fuit Lesbos vino celeberrima.

⁴⁾ Idem pertinere mihi videtur ad Claudiani in Eutropium libr. II vers. 93

huic curas et clausa palatia mandat ceu stabulam *vacuamque* domum, ubi plures codices *viduamque* d. habent, qua de re Delrii Heinsiique adnotationes quaeso adeas. Multo certe vero similis est »*viduam*« aliquem interpretari voluisse per »*vacuam*,« quam huic adjectivo illud substituisset.

et copulati, verum patuli et nudi, qua re perfacile fieri potuit, ut decideret serpens. — Cfr. Horat. carm. IV 5, 30

Condit quisque diem collibus in suis
et vitem *viduas* ducit ad arbores.

Ep. II 10 Ergo aut adulta vitium propagine
altas *maritat* populos. cfr. Epist. I 16, 3.

Juvenal. VIII 78

Stratus humi palmes *viduas* desiderat ulmos.

Martial. III 58, 3

Bajana nostri villa, Basse, Faustini

Non otiosis ordinata myrtetis

Viduaque platano e. q. s. — Ad vers. 398 cfr. libr. II
v. 655.

I 498 sq.

Siderea tunc arce pater pulcherrima Grajum
coepta tuens tantamque operis consurgere molem
laetatur; patrii neque enim probat otia regni.
Una omnes gaudent superi *venturaque mundo*
tempora quaeque vias cernunt sibi crescere Parcae.

Priusquam quid de impedita horum versuum ratione mihi in mentem venerit, dicam, liceat mihi sententiarum conexum virorumque doctorum commenta in medium proferre. — Jam in eo est, ut puppis litore solvatur (v. 628); jam Aesonides, ut poetae verba afferam, ardenti ferro retinacula abscidit itque propulsa ratis. Tum pergit summo gaudio perfundi Jovem, quippe qui Saturni regnum nimis otiosum et placidum oderit velitque, ut vers. 246 legimus, suo commercia mundo et tantos hominum miscere labores. Neque non ceteros deos deasque omnes expeditionem Colchicam singulari prosequi laetitia. Hanc sententiam ita Valerium expressisse libri manuscripti tradunt:

Una omnes gaudent superi *venturaque mundo*
tempora quaeque vias cernunt sibi crescere Parcae.

Quae verba nulli viro docto non fuerunt offensioni. Atque Heinsius quidem, ut ab hoc ordiar, qui poetas latinos tam acri seduloque studio pervolutavit, putabat scribendum esse *ventura profundo*

tempora, qua conjectura — altera nihil prorsus proficitur¹⁾ — illa quidem tollitur difficultas, quam efficit copula que tam insolite collocata, verum nihilo secius eam reprobem, quia gaudere perraro et apud Valerium nusquam cum accusativo junctum reperitur. Eadem de causa ne Ph. Wagneri quidem conjecturam (Jahrb. f. cl. Phil. pag. 405) »*venientia* mundo tempora« amplector, praesertim quum paullo audacior esse insuper mihi videatur. Burmannus de loco intricatissimo copiosius disputat haec: »Nec ipse, inquit, capio satis ventura illa mundo tempora. per quae Horas deas intelligit Pius. nec facile tamen correctiones Heinsianas admitto, quum sensus tolerabilis exsistat, si hic ordo verborum constituatur. Una cum Jove omnes superi gaudent et Parcae, quae cernunt ventura mundo tempora et vias sibi crescere. saepe noster illas copulas et & que variis locis ponit, quae in suum debent revocari locum e. q. s.« At contorta haec verborum series quin intolerabilis sit, non dubito. Similem olim secutus erat Thilo²⁾ expediendae difficultatis viam putans Valerium in que copula transponenda nimis audacem fuisse et hunc esse proprium verborum ordinem: una gaudent superique omnes ventura tempora Parcaeque, quae cernunt sibi vias crescere. Sed ipse fatetur admodum id artificiose excogitasse sese ideoque etiam Burmanni explicationem sprevisse.

Ac re vera talis in collocandis particulis licentia vel apud Valerium his in rebus interdum liberiores inaudita res est, ita ut simile exemplum frustra in Argonauticis quaeras. Subtili, sed ut ipse concedit, paullo violentiore et artificiosa conjectura versum tentavit Thilo. Cujus ultimum pedem sedem quasi corruptelae esse pro certo habens, quum desit, quod pro mundo reponatur, ut et sententia probabilis evadat et observetur literarum similitudo, mundo illud e versu 246 primi libri, quem supra attigi, adscripto in hunc versum translatum esse arbitratur. »Sic enim, inquit, rem mihi fingo: in archetypo Vaticani ad voces, quae sunt »patrii neque enim probat otia regni« in margine aliquis adscripsit »ipse suo

¹⁾ venturaque *ponto* tempora.

²⁾ Prolegg. pag. LVIII.

voluit commercia mundo,« ut mundo juxta extremam versus 501 vocem poneretur¹⁾ itaque cum is, qui Vaticanum exaravit, duas syllabas abundare videret, non mundo omisit, sed eam vocem, qua poeta versum terminarat, fortasse verbo aliquo, quale est laudant.« — De sensu quamvis cum editore doctissimo consentiam, tamen non possum, quin rationem ejus ipsam nimis quaesitam agnoscam. Quocirca alium potius explicandae corruptelae modum ingressus mundo simpliciter depravatam esse opinor ex *promunt*, quod paullulo forsitan probabilius videatur facilioremque admittat explicationem quam Thilonis commentum. Namque saepenumero factum est, ut una alterave vocabuli alicujus syllaba nescio quo casu exstingueretur ac doctior tum librarius, ut pedum numerum suppleret, suum quodlibet substitueret inventum. Optime autem hoc loco verbo promendi uti potuit poeta, quum dii laetabundi jam mente sibi fingere sermonibusque inter se praecipere, quanto pulchrior oritura sit aetas, sint censendi.

Similiter haud raro verbum illud usurpatur. IV 142 sqq.

postquam remeare monentem

ocius et dictis perstantem cernit in isdem,

abripit et sociis, quae sint ea, *promere* cogit.

ejusdem libr. v. 624 jamque ultima nobis *promere* fata nefas.

VI 41 ergo duces solasque, deae, mihi *promite* gentes.

Sine justa quidem causa, sed eleganter libr. I vers. 272 ubi vulgo legitur:

Phrxi *promittitur* absens

vellus e. q. s. Heinsius proponit

Phrxi *jam promitur* etc. —

Exquisitam certissimamque emendationem, quae mutationem proditae scripturae efficit nullam, de versu subsequenti, in quo sanando tot tantique viri jam elaborarunt ac desudarunt, mecum communicavit Prof. Ill. Martinus Hertzius scribendum esse videns

¹⁾ laetatur; patrii neque enim probat otia regni. || ipse suo voluit commercia una omnes gaudent superi venturaque laudant || mundo

tempora *aquaeque* vias e. q. s.

Cfr. V 316 nec *pelagi* nos mille *viae* nec fama fefellit.

VIII 190 inde sequemur ipsius *ammis iter*.

Ovid. Met. XI 747 Tum *via* tuta *maris*.

(Pseudo-)Ovid. Epist. XVI 104:

nec potui debere mihi spem longius istam

caerulea peterem quin mea vota *via*.

(cfr. Verg. Aen. VII 198). Ovid Ep. XIX 160

sternet, et *aequoreas* aequore nata *vias*.

cfr. locutionem ex Homero notissimam ὕγρα κέλευθα. — Si quis vero contradicat fieri facile non posse, ut *aquae vias crescentes* viderint Parcae, quoniam ante illud tempus freta fuerint impervia hominibus, ut canat primo Argonauticon versu Valerius: *prima* deum magnis canimus *freta pervia* natis (cfr. IV 711 et V 660), equidem judico talem dubitationem ad redarguendam lectionem propositam nullius esse momenti. Etenim recte omnino ad l. c. disputavit Burmannus ita: »Sca-ligero satisfieri posse credo, si Tyrias et Pharias carinas, quas infr. versu 644 memorat Flaccus, concedamus jam ante Argo versus occidentem et oras Africae et Hispaniae cursum instituisse, sed minime ausas fuisse Bosporum et pontum Euxinum peragraré; vel si dicamus Neptunum ibi non priores Argo naves facere, sed vaticinantem de sequentibus temporibus fingamus. Neque etiam pecasse dici potest poeta, quod naves in Ponto Euxino obvias Argonautis faciat, quia nec illae unquam Cyaneas et Bosporum transierant, sed intra Ponti oras se continuerant. Argo vero prima fecit *pervia* freta et ab Aegaeo mari perrupit aequora ad Phasim usque.« Quare bene, quum jam in eo esset, ut navigatio usque in aequor periculorum omne genus plenum propagaretur atque extenderetur, nostro loco dicere licuit majorem amplioremque jam dari Parcis copiam suo fungendi munere atque officio. Totum igitur locum scribo sic:

Una omnes gaudent superi venturaque *promunt*

tempora *aquaeque* vias cernunt sibi crescere Parcae.

In priore versu quod non certioremedelam in promptu habui, doleo; sed alterius versus remedium quin unice verum sit, extra omnem collocatum est dubitationem.

Nunc velim animum attendas ad vers. 563 sq.

Tendite in astra, viri; me primum *regia* mundo

Japeti post bella trucidis Phlegraeque labores

Inposuit; de quibus ante Thilonis audiamus iudicium¹⁾

»voces quae sunt *me primum regia mundo* ... *inposuit* non habent facilem explicatum. haec autem erat poetae mens Jovem cum Japeti post bella trucidis Phlegraeque labores regiam suam, i. e. caelum obtinuisset, ea re primum et principem mundi constitutum esse. (Aug.) Wagnerus *regiam* deorum concilium intellexit.« Phil. Wagner²⁾ nihil nisi brevitatem quandam agnoscens et ipse vulgatam salvam esse opinatur. At non dubito, quin tantam dicendi obscuritatem viri docti injuria assignent Valerio neque in illis loci interpretandi conatibus possum acquiescere. Ac *regia* quidem est nihil aliud quam aut palatium aut regnum, quarum significationum neutram nostro loco admitti posse vix est, quod demonstrem. Nullo vero modo significat vox illa deorum concilium ac frustra elaboravit A. Wagner (C. P. pag. 40) in exemplis ad firmandam suam interpretationem investigandis. Tria enim quae attulit nullius sane pretii sunt. Val. Fl. I 668

di, quibus undarum tempestatisque sonorae

imperium et magno penitus par *regia* caelo e. q. s.

Verg. Georg. I 503

Jam pridem nobis *caeli* te *regia*, Caesar,

Invidet atque hominum queritur curare triumphos.

Aen. VII 210

Hinc illum Corythi Tyrrhena ab sede profectum

Aurea nunc solio stellantis *regia caeli*

Accipit et numerum divorum altaribus addit.

Secundi quidem loci, qui primo obtutu quadrare quodammodo videtur idque magis certe quam reliqui duo, sensus est hic: *regia caeli* te, Caesar, jam pridem deum recipere gestit,

¹⁾ Prolegg. pag. XVI.

²⁾ Jahrb. f. cl. Phil. pag. 384. »Ebenso finde ich nichts als ein Beispiel prägnanter Kürze in I 563, wo *regia* die *regia caeli* ist, mit deren Besitz die Herrschaft der Welt verbunden war, weshalb auch Jupiter κατ' ἐξοχὴν der Olympier heisst.«

tuum concupiscit fieri domicilium; ergo hic regia optime dixit poeta, contra nostro loco id substantivum quam maxime nos offendit nec profecto idoneam, ut ipse Thilo sensit, habet explicationem. Ceterum veteres interpretes multum ac diu in enodando versu versati tamen non potuerunt ex illa difficultate sese expedire¹⁾. Levi adhibita medicina locum sanare mihi videor sic:

me primum regia mundo — *vis* posuit. Nunc omnia rectissime se habent. Vide, quanta vi *vis* vocabulum unius versus spatio intermisso in initio sequentis sit positum; nam regia sane ac divina vi magnisque laboribus Jovi opus erat ad Gigantum atrocem impetum reprimendum et ad extinguendam Titanum rebellionem. Proinde et Argonautarum sit omnes vires intendere ad superanda pericula, quae plurima ac gravissima iis immineant.

Initium autem vers. 565 eo facilius corruptela affici potuit, quod ab eadem subsequens incipit syllaba (*institui*). De verbo ponendi vide similes nostro locos hosce:

Sil. Ital. VI 593 rectorem *ponere* castris.

Idem IX 226 quis *positum* agminibus caput.

ibid. vers. 491 ventis *positus* custos. —

Idem conjiciendi genus, quo in restituendo vers. 501 usus sum, adhibeo in vers. 671:

tuque, fretum divosque pater sortite biformes,
seu casus nox ista fuit, seu volvitur axis,
ut superum *sic staret* opus tollique vicissim
pontus habet, seu e. q. s.

qui vexatissimus est ac multis multorum studiis vario modo tentatus. Violata temporum consecutione locum foede depravatam primo jam obtutu nemo non videt; cui vitio ut mederentur, Gronovius asterisco posito legit:

¹⁾ »Horum versuum intricatissimus fuit ordo tum propter lectionum variationes tum propter distinctiones et interpunctiones; ut taceam perturbatum sensum, in quo eruendo quidam mirum in modum se torserunt« ... Carrio. — »Aliter hi versus leguntur atque aliter in diversis libris. Ego (quid diffitear) ex nulla me intrico lectione« Zinzerling. — »Corruptissimus locus, ex quo me vix expedio..... cogitabam aliquando mea *frenum* regia mundo.... imposuit« Burmann.

sic stare * tollique vicissim p. h.

Burmamus:

seu solvitur axis *vi* superum *seu stare salum*.

Oudendorpius

vi superum, *seu sidere* opus e. q. s.

Peerlkampius¹⁾:

et superum testatur opus.

Thilo denique mavult retinere lectionem traditam quam ad conjectandum refugere »Cum omnes, inquit Prolegg. pag. XXIII, quae propositae sunt conjecturae, quamvis sint ingeniose excogitatae, Oudendorpii imprimis, a Vaticani memoria nimis longe recedant, poetam malo neglegentiae incusare quam librarios, cum praesertim in sententia versus quid offendant non inveniam. ponit enim Jason axis volvatur necesse esse, ut aequali mundi pondere non turbato aeternum deorum opus durare possit.« At illud mihi non persuasi poetae ipsi debere constructionem illam, praesertim quum aliud hujus rei exemplum ex Argonauticis afferri nequeat — diversi enim generis est libr. II v. 142, quem deinde appellat Thilo

utinam non hic tibi nuntius *essem*,

o soror, aut nostros, inquit, prius unda dolores
obruat.

Accedit quod *sic* vocula nimium quantum languet frigetque²⁾.
Quibus de causis vide, an legendum sit:

¹⁾ ad Verg. Aen. I 66 . . . »seu nox, tempestas illius noctis, casu accidit seu axis volvitur et testatur hunc mundum a Deis esse factum et certa lege regi, atque adeo pontus propter illum axis motum vicissim tollitur« . . .

²⁾ Secus id videtur Ph. Wagnero Jahrb. f. cl. Philol. pag. 389 sq., qui *sic* retineri vult, sed ipse quoque expellit conjunctivum imperfecti. »Im folgenden will Hr. Th. das grammatisch falsche staret lieber der Fahrlässigkeit des Dichters als der der Abschreiber schuld geben. Nun die Abschreiber haben sich genug am Dichter versündigt. Einem Dichter aber wie Valerius dergleichen aufzubürden, das wäre zu viel. Es ist kaum zu bezweifeln, dass Val. *duret* geschrieben habe; auf der Bewegung der Himmelskörper beruht der Bestand des Weltalls, so (sic) wie es besteht. — ad II 142 f. . . . *essem* ist gleichfalls nicht einer »Nachlässigkeit« des Dichters beizumessen; die in Gestalt der Schwester der angeredeten erschienenen Göttin wünscht damit etwas, wovon das

ut superum *sacrum stet* opus. Sed ne inconsulte ac temere propositas conjecturas nova auxisse videar, cfr. quæso, ut unum exemplum e multis promam, libr. II v. 358 *Jupiter æternum volvens opus* atque Thilonis adnot. critic. ad v. 674, ubi in Vaticano exstat *rec* pro rector, ad III 469 (tend) et alia. Ita hic quoque nihil fortasse legebatur nisi *sac*, unde facillima emendatione profectum puto *sic*, quo facto, ut suos versui numeros redderet, ineptus quidam ac sciolus librarius imperfectum posuit pro praesenti. — Qua occasione oblata liceat mihi exempla aliquot alliterationis ex Argonauticis sumpta congerere. Quum enim Eduardi Lochii »de usu alliterationis apud poetas latinos« dissertationem (Halis Saxonum a. h. s. LXV) legissem, cujus pag. 3 fere *prorsus eam evanuisse in poematis exeuntis reipublicae primorumque saeculorum* p. Chr. n. contendit¹⁾, mox intellexi id non cadere in Valerium, ex quo unum attulisse exemplum (pag. 50) II 461 »*caeco clamore coloni*« ille satis habuit. Ac plurima quidem quae inter legendum mihi occurrerunt exempla addere possum, sed, ne longus fiam, ex magna copia ea potissimum afferam, quibus aut plus duae voces alliteratione concinnantur aut alliteratio adest primarum syllabarum.

Liber I. 11 *veterumque fave veneranda*. — 15 *deum delubraque*. cfr. III 63 *demens ille deam*. VII 179 *delubra Dianae deveniat*. VIII 208 *defleta Dianae*. VII 272 *defecere deae*. VIII 283 *despecta — decuit*. — 17 *Cynosura carinis certior*. — 35 *ab anguae Arcas*. cfr. 48 *alligat artus, aspicio meque assiduis*. V 85 *ardent avidos attollere*. 176 *alitis atque atris — auras*. 453 *aligeris aut — anguibus auras*. 227 *aries apparuit astro*. 285 *apparat Acetes aciem*. quibus addimur armis? VI 279 *animos acies auget*. 284 *animos atque abstulit*. 324 *aliud — aspicias annum altricemque*. — 38 *tranquilla tuens nec fronte timendus*. cfr. IV 232 *nec fronte trucem nec mole tremendum*. — 54 *matura marique*. — 75 *tholo ac tantis*

Gegentheil stattfindet, dagegen mit obruat etwas, das unter gegebenen Umständen wirklich stattfinden kann.«

¹⁾ Cfr. pag. 5... »In Horatio, Tibullo ceterisque poetis aevi Augusti *primorumque saeculorum* p. Chr. n. quum nullum fere alliterationis vestigium invenerim, transii ad poetas quarti quinti sexti saeculi.«

temet. — 59 conticuit, certus Scythico concurrere ponto Cyaneas. — 84 *tuta tuli*. — 98 sq. *ratem remisque* — *revchat rebusque*. cfr. II 429 *remi rapuere ratem*. III 79 *ratem rapere*. IV 583 *ratis et rabidi*. VII 51 *ratis* — *rapinis*. — 102 *tentamenta tenent*. cfr. 835 *tentare nefas et tendere*. IV 129 *tentavi tenuive*. III 155 *telum tenet*. — 104 *viasque visi*. — *visi* enim Heinsii praeclara emendatio est a Burmanno jam in textum vocata pro *jussi*, quod libri praebent. »Mimesis, inquit ille, est indubitata Maroniani versus Aeneidos IV 358: ipse deum *manifesto in lumine vidi*. Apud eundem Maronem Aen. III 150:

visi ante oculos adstare jacentis

in somnis, multo *manifesti lumine*.«

Frustra *jussi* Weichertus tuetur Obs. crit. pag. 330. Verborum autem jubendi et videndi proclivis est et sollemnis in libris mutatio. cfr. Burmanni adnot. ad I 125. Item v. 284 perperam codd. VP pro *visa* exhibent *jussa*. — Cf. praeterea similis alliterationis exempla haec: I 30 *viri virtus* (Aen. IV 3). 79 (et VIII 293) *viridem videt*. 145 *invito victorem* (Horat. Sat. II, 1, 76. *invita* — *invidia*. Ovid. Met. XI 787 *invitum vivere*. XV 614 *inviti videre*). 208 *visu vittamque*. IV 674 *videre viam*. V 94 et VIII 297 *visa viris* (Ovid. Heroid. VI 55). VI 188 *virum cum pulvere vitae*. — 127 *pervia ponto puppis*. — 139 *pulsatque chelyn post pocula*. — 322 *tristi tuba tertia*. — 382 *mirabere mille magistros*. — 495 *sole secuntur scuta*. — 620 sqq. *tremulum* — *turbo rapit*. qui tum Minyis *trepidantibus horror*, cum *picei fulsere poli pavidamque*. — 834 *regesque receptat*. cfr. III 280 *rege reperto*. VI 430 *reditus regina*. VIII 47 *regina relictis*. VII 45 *ratis* — *rege reportet*. 650 *repscere regem*. —

Liber II. 81 *meritique piget meminisse*. — 137 *curis castumque cubile*. — 138 *famulasque fatigat*. — 147 *thalamisque tuis Threissa*. — 149 sq. *par* — *proles praeclara* — *picta* — *placet*. — 199 sqq.

prosequitur polus et tonitru pater auget honoro.

Inde novam *pavidas* vocem furibunda per auras
congeminat, qua *primus* Athos et *pontus* et ingens
Thrace *palus pariterque* toris exhorruit omnis
mater et adstricto riguerunt ubere nati.

Versu 201 equidem pro *primus*, quod jam Peerlkampio (ad Verg. Aen. VII 518) displicuit, emendo *pronus*, quod est promontorii epitheton haud ineptum. Namque quamquam sensu non plane destituta est lectio tradita, tamen perquam languere mihi videtur, adeo ut conjecturam praeferam facillimam, qua simul significetur vocem illam furibundam montis praeruptis lateribus percussam majore vi intumuisse. — 326 *placent portatque preces*. — 337 forsitan hoc factum taceat jam fulmen. — 390 sq. *pelagoque parari praecipitat; petit*. — 421 *dona dei nunc digna*. — 431 tunc tenuis Lemnos transitque Electria tellus Threiciis. — 440 *missa mane sacrisque metum*. — 466 *notas et nomina*. — 512 *patrem pelagique deos suaque arma precatus*. — 531 *pistris — proxima praedae*. — 550 sq. *tenebris turba — trahens*. — 563 sq. *piacula patrum — parva*. — 594 sq. *fatisque — fata ferunt*. — 652 sq. *paratu — pares primaeva*.

Liber III. 33 *spargebant sidera somnos*. — 56 sq. *pavidum praesepebus — pecus et profugi*. — 81 *primam — pater accipe pugnam*. — 127 *remeasse ratus pulsumque requirens*. — 133 *tollitur hinc totusque ruit Tirynthius*. — 134 sqq. *pectore — per piceos — pectus — per medium*. — 183 sq. *primum puer — pulcher — prospera prostravitque — per pectora*. — 197 *cita cuspidem cassis*. — 199 *per clipei cedentis opus cratemque*. — 385 *nefandam edocuisse necem*. — 389 *suos sontes inimicaque pectora poenis*. — 436 *prima pedum — praetexere*. — 439 *piceae — prosectaque partim pectora*. — 441 *ter tacitos egere gradus, ter tristia tangens*. — 442 *vestesque virum — ponto pone*. — 463 *tabulata toris — trementum*. — 489 *consortem curis cursusque*. — 527 *pede plausa — personat*. — 571 *acrem intendens aciem*. —

Liber IV. 85 *summa sociis — sacerdos*. — 129 *mora mortis*. cfr. 243 *moriere manu — moratus*. VI 241 *immemoresque mori*. — 154 *temnite tempus*. — 167 *fulminea frontem dextra disjectaque fudit*. — 191 *formidine faxo — ferat*. — 197 sq. *pandit — pecus — pulsa pone — praecedat*. — 200 sq. *turba tuendo — tanti — metus. mortalia — manent — montibus*. — 248 *maesto lustrarunt lumine* (cfr. VII 334) *montes*. — 279 *respirant — reponunt*. 281 *refovet*. —

335 sq. *respiciensque ratem patriis* — *precor* — *refer* — *curre corona*. — 341 sqq. *praecipiant pecudum toto mox tempore mensae laetus* — *laude virum* — *vatis* — *victori*. — 355 sqq. *desiluit; dominam* — *tellus* — *deprensae tremuerant conscia culpa* — *trepida* — *paelex* — *plausu* — *pectora*. — 363 sq. *dilectae pecudi jam pascua digna praecipuosque*. — 414 sq. *interea* — *intonat* — *insurgens*. cfr. 494 *incessere* — *infestare* — *inhiat*. VI 255 *invadit inermem*. *inpulit*. VII 195 *incipit*; *ingeminant*. 528 *incipit inde*. — 446 *pectora; praesentis potius*. — 504 sq. *primum pavidae* — *pervolitant* — *petunt*. — 567 *progresso propius*. cfr. VI 148 *profugi cum prole*. 385 *procubuit* — *propulit*. VIII 339 *procosque profuerit prona*. — 573 sq. *properanda recursu*. *vix repetunt primae*. — 596 *saeva sequitur caligine campos*. V 549 *Castora campo crebrior*. VI 225 *candentis carbasa*. VIII 92 *caput cari*. 346 *carum caput* — *cruenta*. 417 *captiva carinae*. — 627—31 *praecipitat* — *tempusque timendi* — *primi* — *prosequitur* — *praemia* — *possim persolvere* — *Pangaea* — *paterna*. — 641 *sonitus insanaeque saxa*. — 642 sq. *praecipitata profundo* — *pars* — *poli*. — 644 *ferre fugam* — *ratem* — *repente*. — 662 *tenebras* — *intermicat* — *terrifici* — *tonitrus*. — 738 *turbam tecta trahit* — *tropaeis*. —

Liber V. 21 *dicta dabant* — *debita*. 22 sq. *praecipiti* — *parentum* — *parva* — *precantur*. — 35 *cernens corpora cara*. 90 sq. *comitem* — *condidit* — *consurgens*. — 109 *sinus stat opima Sinope*. — 130 *Martis interea memorate manus*. — 136 *sagittae utque securigeras stimulaverit*. — 154 sq. *cubile* — *cernitur* — *consurgens Caucasus*. — 163 *arduus arces*. cfr. 579 *armiger arcu* VI 423 *Ariasmenus armis*. VII 561 *austrique ardentis arenae*. — 188 *stat soror hinc saevae*. — 196 sq. *properantia* — *passum* — *patrias placidus*. — 224 *Scythica senior jam Solis*. — 239 *procorum pacta petat*. — 242 *tradere terga* — *falso fusus*. — 244 *toris* — *tremens patriumque precatur*. — 259 sq. *monstrisque minacibus* — *monens semper deus et data seri signa mali*. — 268 *proripit* — *praecipitatque patres*. — 327 sq. *plaga proxima campi corripunt regemque petunt jam luce reducta*. — 351 *prima* — *procedere passu*. — 356 *custos* — *cultus* — *cui creditus*.

— 377 sq. *defixus* — *ducem dominamque* — *dea* — *decus*.
 — 404 sq. *paternis* — *proceres* — *populosque precantes* —
praesens pater. — 462 sq. *progenit pariterque* — *post* —
praecipue — *patres* — *proelia*. — 490 *pecudis* — *periclis* —
perferre. — 495 *saevi statuisssem sanguine*. — 532 *pugnaeque*
propinquae — *prior* — *placidis* — *pectora*. — 534 *tali vos*
tempore tectis. — 579 *subligat et stricto stat*. cfr. VI 699
stamine silvae subligat. — 580 *pugnam paret et positas*. —
 589 *respicit* — *reddit*. cfr. VII 245 *malis requiem* — *men-*
temque repone, redde. — 591 *cunctis* — *coma culta*. — 603
pavidi cum prole — *pervigil*. —

Liber VI. 28 *sponte sua strepuere tubae*. Mars *saevus*.
 — 34 *mone* — *molimine*. — 51 *credere captus carpore*. —
 125 *magnanimus mos* — *mortis*. — 143 *suas; sua signa se-*
cuti. — 236 *vaditque virum vi*. — 270 *conlatis cursibus* —
coniciunt. — 290 *tarda tibi turpesque*. — 291 *paruimus par-*
vique viam. — 338 sq. *patriis bellare pruinis praedarique*
juvat. — 359 sq. *tendunt illi tractuque vicissim taurea terga*
tellus. — 362 *membra viri miseranda meant*. — 383
montis machina muri. — 397 *saevis squalentem sustulit*. —
 435 *pascua* — *proflantes pectore*. — 441 sq. *sparsosque* —
sucos sidera — *stupet* — *Solis*. — 469 *potitur nec passa*
precari. — 479 *sono* — *sororem*. cfr. 483 *soror* — *sola* —
scis socias. — 480 *procul* — *pavor* — *protinus* — *perculit*.
 — 501 *mendaci* — *meque* — *magistram*. — 520 *trepidae* —
verso vulnera tergo. — 537 *petiisse pecus non pascua*. —
 683 *dura ducum densique*. — 703 *saezum spolia* — *Syenen*.
 — 704 *multo maculatam murice*. — 705 *concita cuspis* —
cruores. — 718 sq. *magis* — *movetur* — *metu* — *Meleagre*.
 — 723 sq. *fuga foeda ducum* — *cadentum* — *cruor* — *cur-*
rus dominis.

Liber VII. *tantas timuere* — *talemque* 60 sq. *plus puppe*
 — *petitis*. — 81 *posse putet*. *perstrinxerat*. — 83 *te, Tibe-*
rine, tuens. — 91 *versa* — *vestra volutant*. — 109 *paulum*
procedere postes. — 143 *sopor; supplex* — *sternitur*. —
 173 sq. *contingere cura* — *continuo* — *cingula*. — 176 sq.
poscunt pectora — *pudor*. — 184 sq. *cantuque* — *cogam*
compescere. — 202 sq. *cogar comes*. — 215 *paulatim putat*

esse patris. — 325 *tum thalami penetrare petit*. — 392 *stabilis* — *strepitusque sepulchris* — *stupet*. — 395 *trabes* — *triformis*. — 401 *pecorique pavor* — *profundum*. — 418 *dona dari decuit*. — 459 *patriam pariter* cfr. VIII 281 *pariter populusque patresque*. — 484 *me mox merita morituram*. — 505 *terrigenas, tum me tectis tua turbet*. — 532 *postremum* — *parat* — *parentis*. — 538 *dicta dedit* — *discessit*. — 582 *ruunt* — *recedunt* — *retro*. —

Liber VIII. 39 *reperta* — *requiro*. — 64 *vigilanti* — *videnti*. — 94 *seque suum simul*. — 130 sq. *promovet ad primas* — *ratis* — *ripas. praecipites*. — 135 *fata* — *ferens fraudemque fugamque*. — 150 *unguibus uncis*. — 192 *saeva subire saxa*. — 318 *sed summo segnis sedet*. — 323 sq. *terras tempestatemque* — *ventorum* — *volucrum* — *turbida*. — 391 *sed sola sese virtute sequantur*. — 408 *vanos, veros versat*. — 440 *quin nunc quoque quaere*. — 461 *vellera vexit ovans interque ingentia*. — 463 sq. *dubitas* — *dure* — *magnumque minatur* — *praesens pudor* — *decreta* — *dura premunt*. —

I 774 sq.

veteris sub nocte cupressi

sordidus et multa pallens ferrugine taurus
 stabat adhuc, cui caeruleae per cornua vittae
 et taxi frons hirta comis, ipse aeger anhelans
 inpatiensque loci visaque exterritus umbra.
 hunc sibi praecipuum gentis de more nefandae
 Thessalis in seros Ditis servaverat usus.
 tergeminam *tum* placat eram Stygiasque supremo
 obsecrat igne domos jam jam exorabile *retro*
 carmen agens.

Versu 782 jure nos offendit locutio insolita nec ullo exemplo fulta »carmen *retro* agere,« quae quid sibi velit Thilo in adnot. critic. fatetur se non intellegere (cfr. Prolegg. pag. XXX). Ac re vera omnino nequit sensus inde effici tolerabilis. Quae quum ita essent, primo cogitabam legendum esse *crebro*, quoniam mos est usitatissimus atque hodie quoque receptus, ut identidem, non semel tantum, carmina ad daemonum evocationem pertinentia recitentur. Verum quum mecum

reputassem, solere poetas ea in re non incertum quendam significare numerum¹⁾, hanc opinionem reliqui. Deinde quum secundis curis locum tractarem, in eam lapsus sum sententiam, ut scribendum esse crederem:

rite carmen agens.

Cfr. V 98

carmina quin etiam visos placantia manes

Odrysius dux *rite* movet.

ejusd. libr. 192

ipse gravi patera sacri libamina Bacchi

rite ferens umbram vocat et sic fatur ad aras.

III 444 sq.

quin etiam truncas nemorum effigiesque virorum

rite locat quercus simulataque subligat arma.

huc Stygias transire minas iramque severi-sanguinis.

VI 93

indigenas sed *rite* duces et prisca suorum

facta canunt.

Locutionem »carmen agere« etiam IV 87 usurpavit poeta:
securum numeris agit et medicabile carmen.

V 320 in fine versus scripsit *inexorabile* certe.

Sero vidi Ph. Wagnerum²⁾ quoque de hoc versu egisse

¹⁾ Cfr. Ovid. Met. VII 261

terque senem flamma, *ter* aqua, *ter* sulphure lustrat.

XIII 952

et purgante nefas *noviens* mihi carmine dicto.

XIV 58

ter noviens carmen magico demurmurat ore.

ibid. 387

ter juvenem baculo tetigit *tria* carmina dixit.

Verg. Ecl. VIII 73 sqq. Aen. IV 510. Horat. Ep. I, 1, 37. Tibull. I, 2, 54. Val. Fl. III 441 et alibi.

²⁾ Philolog. pag. 630. »Was sollen hier die unverständlichen Worte *exorabile* retro c. a. bedeuten? Es kann wohl keinem Zweifel unterliegen, dass Val. statt retro geschrieben habe *Morti* oder vielmehr *Leto*. Man erinnere sich nur des Sophocleischen Verses Aj. 854

»ὦ Θάνατε, Θάνατε, νῦν μ' ἐπίσχεσαι μολών.«

neque infeliciter conjecisse *leto*; nihilominus vero meam etiam nunc retineam scripturam, utpote cui loci illi non minus fa-
veant.

De universa extrema libri primi parte imprimis inde a versu 774 usque ad vers. 819 erudite ac pluribus disputat Thilo (Prolegg. pag. XXIX sq.) negatque, quamvis primos certe libros a poeta limatos esse propter rem ipsam probabile videatur, extremum perpoliendi laborem ad exitum libri primi Valerium adhibuisse¹⁾. Tot enim tamque graves in iis, quae de Aesonis morte narrentur, inesse offensiones, ut in illa sententia non potuerit non consistere. Atque rectissime dicit versibus 781—784 rerum narratarum ordinem turbari, verum opprobrio vertere mea quidem sententia poetae non debebat, quod non apertis verbis ante v. 774 indicavit Aesonem tauri sanguine potio mortem sibi voluisse consciscere; qua de re Ph. Wagner (Jahrb. f. cl. Phil. pag. 392) dicit: ... »Hier wird behauptet, vor Vs. 774 habe der Entschluss des Aeson erwähnt werden müssen, durch den Genuss des Blutes des Opferstiers zu sterben. Wozu dies, wenn es der Dichter, und meiner Meinung nach mit Recht, hinreichend fand, die That-sache selbst, worauf es ankommt, ihres Orts zu erzählen? Eine vorgängige besondere Mittheilung des Entschlusses würde das schauerliche der Handlung unnützerweise abgeschwächt haben.« Ceterum haud inepte versibus praecedentibus satis

¹⁾ Hoc loco memorare lubet, quae docte et acute de ratione, quae inter primos Argonauticon libros et octavum intercedat, monet Fr. C. Hermann in programme Berolinensi ann. 1863 »Die Elision bei den römischen Dichtern« pag. 16. »Aehnlich wie bei Statius stellt sich das Verhältniss bei Val. Fl., in dessen erstem Buche 851, 104, 12, in dem letzten dagegen 468, 136, 30 sich finden (die erste Zahl bezeichnet die Gesamtzahl der Verse, die zweite die Zahl der Verse, in welchen ein oder mehrere Male ein Zusammenstoss von Vocalen stattfindet, die dritte endlich bezeichnet das Verhältniss der zweiten zur ersten Zahl nach Procenten vide pag. 9), doch unterliegt es hier wohl keinem Zweifel, dass der Dichter nur durch seinen zu frühen Tod, wie an der Vollendung des Gedichts, so auch an der vollständigen Durcharbeitung desselben gehindert wurde; denn eine so grosse Verschiedenheit des Verhältnisses in einem Werke ist äusserst auffällig.«

significasse Valerius habendus est senem de obeunda morte cogitare: v. 767 sqq.

et jam circumspicit Aeson,
 praeveniat quo fine minas, quo fata capessat
 digna satis: magnos *obitus* natumque domumque
 et genus Aeolium pugnataque poscere bella.
 est etiam ante oculos aevum rudis altera proles,
 ingentes animos et fortia discere facta
 quem velit atque olim *leti* meminisse *paterni*.

ergo sacra novat. — Jam mentio fit tauri, quem *in seros Ditis servaverat usus* (v. 780) Thessalis, i. e. Alcimede (cfr. v. 737). Hucusque omnia mihi videntur sanissima esse ac recte instituta. Mirum autem procul dubio est, quod subsequenti versu »tergeminam tum placat eram e. q. s.« subito Aeson rursus inducitur nomine ipso non indicato, quum a vers. 774—778 de tauro agatur, deinde Alcimede subjecti loco commemoretur. Quam offensionem ut tolleret, Thiloni non contigit; nam quod olim versuum transpositionem statuerat, ipse postea rejecit, quoniam novae inde majoresque etiam exoriuntur dubitationes¹⁾. »Itaque quid restat, inquit, nisi ut hanc carminis partem a poeta non emendatam esse dicamus?« Omnibus perpensis difficultatibus ego inter vers. 780 et 781 unum versum intercidisse reor, cujus sententiam tali fere ratione exprimam:

*et memor*²⁾ *extemplo*³⁾ *producit ad ora*⁴⁾ *mariti*, tum pergo:
 tergeminam *cum* placat eram etc.

Lacunam illam re vera adesse valde propterea quoque probabile fit, quod v. 781 codd. VP pro vulgata lectione *tum* exhibent *cum*.

¹⁾ Cfr. Ph. Wagner Jahrb. f. cl. Phil. pag. 405.

²⁾ Saepenumero adjectivum *memor* absolute posuit Valerius velut I 826. III 397. 449. IV 84. 314.

³⁾ vide II 605. IV 315. 637. VII 425. 456.

⁴⁾ Sic saepissime persona ipsa circumscribitur; cfr. I 292 virginis ora. cfr. VI 718 et V 379. — III 314 *mariti*. 641 ducis. — IV 300 viri cfr. VII 34. 431. — 357 juvencae. 395 bovis. V 128 comitum cfr. 313. — 336 patris cfr. VIII 273. — 387 *duc*... ad vestri — ora tyranni. 409 dei cfr. VII 294 deae. — 572 Aeacidum. VII 115 hospitis. 152 sororis. 277 procorum. 369 Colchidos. VIII 151 praedonis.

Transeo nunc ad *libr. II* v. 58:

quin agite, o socii; micat immutabile caelum
puraque nec gravido surrexit Cynthia cornu,
nullus in ore rubor, certusque ad talia Titan
integer in fluctus et in *uno* decidit *euro*.

Hanc quam codices habent lectionem defendunt Aug. Wagner (C. P. pag. 56) Weichertus (Ep. crit. pag. 34—37) Ph. Wagner¹). Ille vero quum eorum pro quovis poni vento et Solem uno flante vento occidentem serenae signum esse tempestatis putasset, postea (Observ. crit. pag. 340—344) ineptam esse sententiam intellexit, qua quis eorum ventum maxime praecipitem et omnium infestissimum tanquam serenitatis *πρόδρομον* et nuntium hic memorari statueret. Quare amplexus est Itali ejusdam emendationem *auro* a Joanne Columbo Heinsio Burmanno Peerlkampio comprobata, cui in textu locum dare jure Thilo non dubitavit, quoniam persaepe aurum vocabulum a poetis usurpatur, quo solis ad interitum vergentis fulgorem eleganter depingant. Pro *uno* variae a viris doctis prolatae sunt conjecturae, velut in editione Bononiensi scriptum est *et in imo*, Heinsius, qua est conjectandi mobilitate ac rabie²), proponit *vicino* vel *redituro* vel *genuino*, Columbus *et mundo*³), quam conjecturam, quod ad sententiam conexumque loci attinet, aliis veriore habeo. Licet enim sollerter *uno auro* tuitus sit Weichertus, tamen si verba antecedentia

¹) Philolog. pag. 621. »Die Worte in uno Euro haben den älteren Kritikern und auch unserem jüngsten (i. e. Eyssenhardtio, cujus operam in Valerii carmine emendando collocatam justo minoris aestimat cfr. imprimis pag. 627), welcher *miti* statt in uno schreiben will (Mus. Rhen. XVII pag. 384) viel Noth gemacht, ich glaube ohne Noth. unus bezeichnet das continuirliche, perpetuirende, wie *μᾶς τρέφει πρὸς νοκτός* bei Soph. Oed. R. 374.«

²) Cfr. adnot. crit. ad ejusdem libri vers. 280 (ad quem sex conjecturas fundit); 318. III 133. 175. 440. 444. 526. 626 *et alia hujusmodi*.

³) Thilonis adnot. cr. ex Addendis adscribenda est Kochii conjectura nimis audax (Mus. Rhen. XVIII pag. 163): »*et pleno* decidit *orbe* ist das Richtige. Es ist hier das Wetterzeichen gemeint, das Virg. Georg. I 458 so bezeichnet: At si, cum referetque diem condetque relatum, Lucidus orbis erit, frustra terreberet nimbis; das Gegentheil steht v. 442 ubi — medio refugerit orbe.«

respicio »*puraque* (i. e. innubila) *nec gravido* (i. e. non obnubilato) surrexit Cynthia cornu« ac deinde »Titan *integer* in fluctus decidit«, memor usus illius Valeriani, cujus ad v. 271 libr. I pag. 6 mentionem feci, et ipse judico pro *uno* vocabulum aliquod ex manu poetae esse profectum, quod simile quid significet atque illa adjectiva. Quam ob rem fortasse erunt, quibus probetur haec lectio:

et *nudo* decidit auro.

Plus accedit conjecturae ponderis libr. II v. 171 »*nudis*que sub astris« i. e. sub astris nubibus non involutis hominumque oculis subductis. Praeterea similiter locutus est poeta III 2:

Tertia jam gelidas Tithonia solverat umbras
*exuerat*que polum i. e. secundum Burmanni interpretationem, qui compluria hujus generis exempla ad h. l. contulit, »sere-
navit et nubibus quasi veste detractis luce aperta perfudit.«

Libr. II vers. 70.

haec ubi dicta dedit, Cereris tum munere fessas
restituunt vires et *parco corpora* Baccho,
ubi in codd. VP coriopo legitur pro corpora, quod liber Monacensis exhibet. Haec autem correctio Gust. Meynckio, qui observationes Valerianas Bonnae anno h. s. LXV publici juris fecit, videtur interpolatori deberi (pag. 36 sq.). At vero quamquam rectissime animadvertit solere Valerium et similes poetas, qua sint dicendi ubertate vel potius luxurie, in altero bipartiti enuntiati membro eandem notionem vel sententiam dedita opera iterare, quae in priore parte expressa sit, tamen non queo ei adsentiri *robora* refingenti, immo persuasum habeo e Vaticani memoria nihil aliud esse eliciendum quam *corpora*, quae mutatio omnium profecto lenissima est¹⁾. Idem deinde expellendum ducit epitheton *parco* ad *Baccho* positum his usus

¹⁾ Eum codicem, ex quo Vaticanus 3277 fluxerit, majusculis scriptum fuisse passim patet, velut I 330 pro *raucos*, quae est vera lectio, in eo scriptum exstat *paucos*. 837 *cerens* pro *gerens*. II 7 *pisaeae* pro *Tisaeae*. III 96 pro *fasesque pacesque*. 347 *per* pro *ter*. 539 *percula* pro *fercula* et alia.

argumentis: »*Parco* additamentum, inquit, meo quidem sensu prorsus ridiculum removendum est. Quaero enim: quo tandem consilio poeta hoc addidit? Num ut largiorem vini usum viribus detrimento esse significaret? An ut raram Argonautarum in victu temperantiam laudaret?« Quapropter audaciori calamo emendat:

et amico robora Baccho.

Verum negem traditam lectionem corruptela laborare. Etenim is *parce* vino uti optime dicitur, qui quantum sufficit ad sitim cohibendam bibit. De qua adjectivi significatione unum tantummodo locum eumque celeberrimum afferam Horat. Carm. III 16, 44

multa petentibus

desunt multa, bene est cui deus obtulit

parca quod satis est manu. Si quid nostro loco mutandum esset, ego, quod olim cogitaram, aut *largo*¹⁾ reponerem (cfr. Horat. carm. III, 18, 6) aut *pascunt*, unde *parco* corruptum esse non ita abhorret a probabilitate. cfr. Ovid. Met. libr. IV v. 263

lacrimisque suis jejunia pavit.

Meyneckianam vero scripturam, utpote quae a traditae lectionis ductu nimis longe recedat, amplecti nullo pacto possum.

II 112

it barbara vestis et torques, insigne loci.

Recte Meyneckius l. c. pag. 37 mihi judicasse videtur in *loci*. quod est additamentum languidissimum, mendum aliquod delictescere. Quod autem totum enuntiatum ita restitui vult, ut legatur »*en* barbara vestis et torques, insigne *ducis*, habet quidem, quo commendetur, ac sine ulla dubitatione priorem probo emendationem, qua *en* pro *it* corrigit codicum adjutus me-

¹⁾ Item adjectiva *largus* et *parcus* in codicibus permutata sunt apud Ovidium Fast. libr. II v. 636:

Jamque ubi suadebit placidos nox humida somnos,

Larga precaturi sumite vina manu.

Sic recte nunc legit Rud. Merkelius, quum olim in editione Fastorum Berolinensi a. h. s. XLI scripserit *parca*.

moria, qui *et* praebent, sed pro *loci* scribendum esse suspicor *tholi*. Populabundi enim in Thraciam invaserant Lemnii (cfr. Apoll. Rhod. I 614 Θρηικίην δηρόντες et 800), incolas profligaverant, armenta et mulieres secum duxerant thesaurosque omne genus e templis abstulerant, quorum in tholis suspendebantur dona diis dicata (cfr. Verg. Aen. IX 408. Stat. Silv. I, 4, 32. Theb. II 733. IV 333 sq.). Quae igitur ante sacras barbarorum aedes ornaverant, ea jam splendebant in ratibus victorum domum redeuntium. — cfr. I 56

i decus et pecoris Nephelaei vellera *Grajo*
redde *tholo*.

Aspirationem vero saepe omitti in libris manuscriptis constat; cfr. Thilonis adn. cr. ad I 280. 327. 338. 364. 374. 384. 437. 593. 611. 735. 845. II 86. 192. 259. 409. 418. III 213. 666 et alibi. — Verissima emendatione, quae fugit Thilonem, Fr. Jacobsius¹⁾ idem vocabulum restituit libr. II v. 259:

voces *chorus* et trieterica reddunt

aera sonum fixaeque fremunt in limine tigres,
quae verba, inquit, vulgo de festo in Bacchi templo celebrato accipiunt, quo inter caedes virorum et urbis incendia nihil magis alienum excogitari potest. Sensus esse debuit, preces Hypsipyles, quas patrem in Bacchi templo celans ad Liberum pro patris salute fundebat, faustis ominibus exceptas fuisse. Quare legendum suspicor voces *tholus* — sonum.« Fortasse aliquis, ut vocabulum *tholus* utcumque explicaret, chorus superscripserat, unde in textum postea irrepsit.

II 236.

diras aliae ad fastigia taedas

iniiciunt adduntque *domos*; pars ignibus acti
effugiunt propere, sed dura in limine conjunx
obsidet et viso repetunt incendia ferro.

Diversa tentamina expertus est locus, de quibus Thilonem

¹⁾ Additam. animadvers. in Athenaei Deipnosoph. Jenae 1809 pag. 42.

consulas¹⁾; *rogos*, quod idem pro *domos* in textum recepit, conjectura est Jacobsii, qui in Matthiae miscell. philol. pag. 74 sic perhibet: »Caedibus *incendia addunt*, quibus occisorum cadavera absumantur; hinc *rogos* addidisse dicuntur. Jam illis, quos flamma comedit, ii opponuntur, qui per flammam eluctari conantur; sensu nunc demum perfecto et integro, qui vulgo vehementer claudicat.« At paullo proprius ad codicum scripturam emendari hic locus potest, quam vir doctissimus fecit. Atque sensus loci eo me ducit, ut corrigam:

adduntque dolos.

Ad immanem nimirum, qua in conjuges saeviunt, crudelitatem uxores — tanta sunt animi acerbitate — etiam fraudes addunt ac fallacias, quum incensis domibus miseros, qui salutem quaerentes flammam fugere tentant, misericordiae prorsus expertes gaudiique maligni ac perfidi plenae repellant mortique tradant. cfr. v. 568 tacitusque *dolos* dirumque volutat corde nefas. V 248 *dolos* molitur opertos. — Aliae igitur Lemniades maritos in toris prensos (v. 230) obtruncant; aliae domos incendunt, ut flammis exstinguantur conjuges, quorum pars, ni ferro in incendia essent repulsi, celeri fuga paene evasissent; aliae denique (v. 239 sq.) Thressas invisas trucidant ulciscendi amore abreptae.

II 250.

fuge protinus urbem

meque, pater; non hostis ait, non moenia *laesi*

Thraces habent; nostrum hoc facinus; ne quaere, quis auctor. Participium *laesi* apte hoc loco explicari nequit; nempe ad eam, quam J. Aug. Wagner in eo inesse vult, sententiam²⁾ cogitatione complectendam pluribus verbis, ut recte

¹⁾ Addenda est Weichertii ratio, qui Obs. crit. pag. 347 ne literula quidem mutata, sed parum feliciter sic interpungit:

diras aliae ad fastigia taedas iniciunt,

adduntque domos pars ignibus atris;

- effugiunt propere etc.

²⁾ Com. perp. pag. 65. »vindictam sumpturi,« vel ut Meynckius explicandi causa addit »a nobis fusi nunc ad ultionem reversi.«

Meyneckius l. c. p. 37 monuit, opus erat. Porro eidem prorsus adstipulor disputanti ita: »Quid enim hoc epitheton significat? Num idem est ac devicti? »Proelio autem devictos« »laesos« i. e. injuria adfectos dicere perlanguidum est.« Sed quamvis medela, quam *saevi* conjiciens depravatae voci affert, non displiceat, tamen mutatione prope nulla potius legam *caesi*, unde sensus existit hic: non Thraces moenia occuparunt — hi enim caesi devictique sunt (cfr. v. 107), verum nosmet ipsae. Loquendi autem ratio haec adstricta ac brevissima optime illustrat animum virginis anxio pavore oppressum, quae exanimata paene verbisque parcens — considera in universum abruptum ejus dicendi genus — nihil antiquius habeat, quam ut primo quoque tempore patrem carissimum e tanto periculo eripiat. Cfr. III 363

nox Minyas tanta caesorum ab imagine solvit,

ubi codices perperam pro caesorum item habent laesorum.

Cui hac emendatione non satisfacio, ei aliam, sed secundo loco, propono. Fortasse scripsit Valerius

non moenia *Lemni*.

Etenim constat nomina propria, quae Argonauticis contineantur, multis modis pessime depravata esse, cujus rei exempla collata Thilonis adnotatione critica passim invenies. — Similiter Liparen insulam Vulcano sacram poeta circumscibit II 96

nec fama notior Aetne aut *Lipares domus*.

II 377.

quid et ipse viris cunctantibus adsit?

Falso opinor loci sententiam intellexerunt J. Aug. Wagner¹⁾ et Thilo, qui num Valerii sit haec interrogatio, vehementer se dubitare in adnot. crit. dicit (Cfr. Prolegg. pag. XXIV). At nulla causa idonea mihi adesse videtur, cur Valerio versum deberi negemus. Necesse autem est, ut bonus sensus evadat, pronomen ipse referamus non ad *Jasonem*, ut illi fecerunt,

¹⁾ C. p. pag. 72. »Quin et ipse (Graecorum ἀπὸς, Hauptperson) dux noster inter cunctantes sit?«

verum ad *Herculem*. Indignabundus invehitur Tirynthius heros »rati invigilans atque integer urbis« (v. 374) in Jasonis ceterorumque segnitiam, qui Lemniadum amore in insula retenti deliciis diffluunt. Quare quum periculum adsit, ne susceptum iter initumque consilium velleris aurei reciperandi plane dimittant, Hercules laborum pugnarumque cupidus (v. 380) aegre fert, quod socium Argonautis sese adjunxit atque, ne diutius frustra apud eos moretur, cum Telamone solo in Colchidem proficisci mavult. Nihil igitur opus est Ph. Wagneri¹⁾ emendatione:

quin et ipse viris cunctantibus infit.

II 520.

illa simul molem horrificam scopulosaque terga
promovet ingentique umbra subit, intremere *Ide*
inlidique ratis *pronaque* resurgere *turres*.

Locus insigni labe foedatus est needum conjectando ad liquidum perductus. Virorum doctorum sanandi ejus conatus vide apud Thilonem (Prolegg. pag. XXXIV), quibus adjiciendae sunt conjecturae Weichert²⁾ (Ep. crit. pag. 46 sq.):

intremere *undae*

inlidique *vadis* *pronaque* resurgere *terrae*,

et Ph. Wagneri, qui (Philolog. pag. 634) disputat haec: »Das Ungeheuer regt die See dermassen auf, dass der Berg Ida erzittert. Aber was mit den folgenden Worten anfangen? Ist die handschriftliche Lesart ratis sicher, so ist auch mit Sicherheit anzunehmen, dass der choc, den das aufgeregte Meer auf die am sigeischen Gestade ruhende Argo (vs. 445 sq.) ausübt, im nachstehenden näher bezeichnet ward; daher Valerius in diesem Falle vermuthlich schrieb »*proramque infligere terrae*; das Schiff wird über das Ufer hinaus gegen

¹⁾ Jahrb. f. cl. Phil. pag. 390... »eine Verbesserung liegt ganz nahe.... Vom Selbstgespräche geht Hercules zur Anrede über...«

²⁾ Quo jure contendat imitatum hoc loco esse Valerium Verg. Aen. II 203—11, equidem me non satis perspexisse fateor; magis totam de Hesione narrationem redolere arbitror Ovidium Andromedae fata canentem (Met. IV 670 sqq. cfr. imprimis 681 sq. et Val. Fl. II 469 sq.).

das Land geworfen.« Quae quum nuper legissem, summopere gaudebam docti hujus viri consensu; namque jam antea, ut primum de loco emendando cogitavi, persuasum habebam ex *prorae* eliciendum esse substantivum *prora*, contra reliqua amplecti vehementer dubitem. Ac primum adversantibus Gronowio Beckio Aug. Wagnero (l. c. p. 78) Weichertio Thilone nego ineptam esse lectionem unanimo codicum consensu proditam *rates*, quia admodum verosimile duco hic quoque Argo respexisse poetam, quippe quae tantas toto carmine partes agat, ita ut si quis longius eam afuisse contendit, quam ut beluae motibus inlideretur, meras argutias habeam. Praeterea qui ista sententia consociari potest cum versu 541

horrescunt subitoque vident in sanguine puppem!

Id si Thilo animadvertisset, aliter certe sensisset. At extremum versus vocabulum quid sibi velit, non liquet. Quum igitur mecum deliberassem, quidnam Valerius hoc versu exprimere vellet, ad eam perveni sententiam, ut nihil aliud dicere eum potuisse confiderem quam monstri motu vehementi ingentibusque voluminibus adeo esse undas excitatas, ut vasta exorta voragine dejiceretur navis, sed sursum mox agigaretur. Hinc nata mihi suspicio est scripsisse poetam:

intremere undae

inlidique *rates* *prorae*que resurgere *hiatu*.

Cfr. VIII 329:

vasto rursus desidit *hiatu*

abrupta revolutus aqua. jamque omnis in astra
itque reditque ratis lapsoque reciproca fluctu
descendit. vorat hos vertex, hos agmine toto
gurgis agit.

Praeterea Valerius septies »hiatu« in fine versus posuit I 34. 638. IV 277. 595. IV 552. VII 97. 604. cfr. etiam Lucan. V 641

cumque tumentes

rursus *hiant* undae, vix eminent aequore malus.

Inconsiderate quidam pro *rates*, quod exhibent codd. VPC, scripserunt *ratis*; nam saepe e poetarum communi more pro singulari Valerius utitur plurali numero. Sic ut unum

vocabulum *currus* afferam, quinquies posuit pluralem numerum pro singulari; I 68

nunc aerii plantaria vellet

Perseos aut *currus* et quos frenasse dracones creditur, ignaras Cereris qui etc. — sic enim praeclare locum desperatum persanavit M. Hauptius (Hermes III, II pag. 212 sq. ann. 1868), qui hos deinde locos confert: II 411. III 415. V 245. VI 6. Accedit quod pluralis huic loco aptissimus est, utpote quo vividis coloribus beluae immanitas depingatur. Ad eandem rem etiam infinitivos historicos qui dicuntur — intremere — inlidique — resurgere — adhibitos invenimus¹⁾, qui haud raro, ut hoc obiter addam, apud Valerium occurrunt. I 608. II 47. 371. 457. 478. 497. 526. III 95. 257. 268. 601. IV 42. 274. 494. 690. 703. V 127. 169. 173. 267. VI 362. VII 6. 237. 612. 625. VIII 325. Conexus autem totius loci postulare videbatur, ut pro *Ide*, quae est vulgata scriptura, reponeretur *undae*, ut jam Beckius, Weichertus, Aug. Wagner ante voluerunt. Ut enim nimiam praetermittam hyperbolen, quam si *Ide* scripsisset, poeta commisisset, optime arbitror nunc describi ingentem vim monstri: undae tremunt (efr. Verg. Aen. III 673 contremuere undae) navemque illidunt adeo, ut prope deprimatur, mox vero resurgat ex gurgite.

Libr. III vers. 323.

tu, mihi qui conjunx pariter fraterque parensque
solus et a prima fueras spes una juvena,
deseris heu.

Acute de hoc loco disseruit Meynckius l. c. pag. 39: »Neque aliter atque Andromacha, postquam se patre fratre matre orbatam esse narravit (Hom. Il. VI 414—427) Hectorem solum illorum jacturam compensare confitetur, Clita suum infortunium eo etiam acerbius fieri queritur, quod

¹⁾ Cfr. Aem. Naucke Observ. crit. et gram. in P. Papinium Statium. dissert. Vratisl. 1863 pag. 34: »Infinitivo historico utitur Statius ad exprimendas actiones *non uno aliquo temporis momento absolutas sed suspensas vel iteratas. Est igitur ejus usus in vividiore descriptione, quae imago rerum quasi ante oculos nobis ponatur.*«

Cyzicus solus sibi conjunx pariter fraterque paterque fuerit. Fratris autem mentione in eis quae praecedunt aegre careremus, cum patris tantum cum natali domo et matris mentio facta sit.« Ea autem ratio locum ad pristinam integritatem revocandi, quam postea iniit, paullo est violentior; mutat enim v. 321 *natales* in *fraternas*. Verum mihi videor invenisse scribens pro *fraterque* v. 323 *materque*, quo modo leniore omnis tollitur offensio.

III 332 sqq.

Interea innumeras nudatis montibus urgent
certatim decorantque pyras et corpora maesti
summa locant; vadit sonipes cervice remissa
venatrix nec turba canum pecudumque morantur,
funerae quae cuique manus, quae cura suorum,
quae fortuna fuit.

Versum 336 intricatissimum ac mire hucusque sollicitatum¹⁾ lego:

funerae quaeruntque manus i. e. ea quaerunt, ut rogis imponant, occupatae propinquorum in funere manus, quae praecipue curae vivis erant et in quibus potissimum opes eorum consistebant. De numero singulari (fuit) pro plurali usurpato vide Zumpt. § 369 imprimisque exemplum ex Sallust. Jug. 21 promptum, quod nostro loco simillimum est: possidere ea loca, quae proxima Carthaginem Numidia appellatur — Copulam autem quae saepe Valerius transponit, velut I 103:

at quibus arborum studiumque insontis aratri,
hos stimulant.

¹⁾ Addendae Thilonis adnotationi crit. conjecturae sunt J. Aug. Wagneri (l. c. pag. 98 sq.): funeraeque *tulere*, quam conjecturam propter subsequencia et antecedentia praesentia rejicio, et Ph. Wagneri (Philol. pag. 637): *munera dant*, quae cuique manus. »Es ist hier die Rede von den Geschenken, welche mit dem Todten auf dem Scheiterhaufen verbrannt werden sollten. — Sie bringen Geschenke dar je nach Maassgabe eigner Kunstfertigkeit (Gewänder von eigner Hand wie etwa Clite vs. 314), der Liebe und des Vermögens.«

III 233 tunc ensis placeatque furor. — Eundem exitum
»cura suorum« habet libr. I vers. 812

quin¹⁾ fida manus, quin¹⁾ cura²⁾ suorum
diripiat laceretque senem.

De locutione *funereae* manus vide libri III vers. 311:
vos age *funereas* ad litora volvite silvas
et socios lustrate rogos. —

¹⁾ Sic optime codex Carrionis.

²⁾ *cura* pro *cara* eximia est Ph. Wagneri emendatio Philol.
pag. 631.

VITA.

Bruno Augustus Ferdinandus *Hirschwaelder* die XXVI mens. Octobr. a. h. s. XLVI Habelschwerti, quod est oppidum comitatus Glacensis, natus sum patre Francisco, matre Amalia e gente de Ponickau, quibus adhuc vivis gaudeo. Fidem profiteor catholicam. Literarum primordiis institutus inde ab anno aetatis undecimo ad decimum septimum usque mutato a parentibus domicilio gymnasium Hirschbergense frequentavi Dietrichio directore ill. tum florens. Deinde quum Vratislaviam pater sedem transtulisset, gymnasium hujus urbis St. Matthiae adii, quod beat. Wissowae viri ill. auspiciis id temporis regebatur. Testimonium maturitatis nactus a. h. s. LXV ab ill. Reinkensio rectore magnifico in cives academicos ascitus sum, ut studia inirem philologica. Per quadriennium scholas audiivi vv. dd. Bernays, Bittner, Elvenich, Haase, Hertz, Junkmann, Peucker, Reifferscheid, Rossbach, Rückert, Suckow, Weber, Zupitza. Tria semestria seminarii regii historici exercitationibus interfui Junkmanni et Roepellii vv. ill. eximia disciplina usus. Itemque Hertzii et Rossbachii vv. ill. benignitate mihi contigit, ut inter sodales seminarii regii philologici reciperer iisque summa cum utilitate mea per biennium essem ascriptus. Omnibus vero studiorum meorum adjutoribus illis fautoribusque benevolentissimis debitam semper me habiturum esse gratiam polliceor.

SENTENTIAE CONTROVERSAE.

I. Aesch. Eum. v. 44 legendum esse reor:

λήναι σεβιστῶ σωφρόνως ἐστεμμένον.

II. Soph. Trach. v. 57 sic scribo:

εἰ πατρός

νέμοι τιν' ὥραν τοῦ καλῶς πρᾶσσειν μολών.

III. Eur. El. v. 146 propono:

πάτερ, σοὶ κατὰ γὰρ ἐνέπω γόους,

οἷς ἀεὶ τὸ κατ' ἡμᾶρ

δεύομαι.

IV. Eur. Hec. v. 504 emendo:

Ταλθύβιος ἦκω Δαναϊδῶν ὀπηρέτης,

Ἀγαμέμνονος πέμψαντος ἐμὲ ταφροῦ πέρι.

V. Eur. Heracl. v. 104 conjicio:

εἰκὸς θεῶν ἱκτῆρας αἰδεῖσθαι, ξένη,

καὶ μὴ βιαίῳ χειρὶ δαιμόνων

ἄγν' ἀλιτεῖν σ' ἔδη.

VI. Inter v. 1003 et 1004 Orph. Argon. lacunam statuo.

VII. Ejusdem carminis v. 1317 sic corrigo:

δέος δ' ὥχραινε παρειάς,

μὴ οἱ ἐκὼν ἀέχουσιν ἐὼν πέμψετε δόμονδε.

VIII. Qui sub Orphei nomine Argonautica scripsit, non usus est Valerio.

IX. Catull. carm. CXI v. 2 sanare mihi videor conjiciens:
nuptarum laus est laudibus *ex nimis*.



3 0112 126248985

INDEX LOCORUM,

qui hoc opusculo emendantur aut explicantur.

Lib. I vers. 63	pag. 2 sqq.	Lib. II vers. 58	pag. 25 sq.
" " 105	" 17	" " 70	" 26 sq.
" " 130 sq.	" 5 sq.	" " 112	" 27 sq.
" " 148	" 6	" " 201	" 18
" " 271	" 5 sqq.	" " 236	" 28 sq.
" " 355	" 7	" " 250	" 29 sq.
" " 399	" 7 sqq.	" " 259	" 28
" " 501 sq.	" 9 sqq.	" " 377	" 30 sq.
" " 565	" 13 sqq.	" " 519 sq.	" 31 sqq.
" " 671	" 14 sqq.	Lib. III vers. 6	pag. 8
" " 781	" 21 sqq.	" " 323	" 33 sq.
		" " 336	" 34 sq.